



Ul.Sulejmana Topića br.1 V. Kladuša tel.037 770-010; fax:037 770-021; e-mail: dom.zdr@gmail.com;www.domzdravljavkl.com;

Na osnovu člana 20.a Zakona o radu Federacije Bosne i Hercegovine („Službene novine Federacije BiH“ broj 26/16 i 89/18), člana 4. i 7. Uredbe o postupku prijema u radni odnos („Službeni glasnik Unsko-sanskog kantona“ broj 7/19 i 11/19), člana 10. Pravilnika o radu ZU Dom zdravlja Velika Kladuša broj 1354-1/2019 od 28.06.2019. godine, Odluke direktora o potrebi prijema u radni odnos broj: 72/22 od 12.01.2022.godine i člana 54. Statuta ZU Dom zdravlja Velika Kladuša broj 95-1/14, direktor ZU Dom zdravlja Velika Kladuša, raspisuje

JAVNI OGLAS
za prijem u radni odnos na neodređeno vrijeme

I. ZU Dom zdravlja Velika Kladuša, ul. Sulejmana Topića br. 1 Velika Kladuša oglašava potrebu za zapošljavanjem radnika na neodređeno vrijeme za slijedeća radna mjesta:

1. Diplomirani sanitarni inženjer/Bachelor zdravstva – smjer sanitarno inženjerstvo u Službi za higijensko-epidemiološku zdravstvenu zaštitu1 izvršilac
2. Referent za zdravstvenu statistiku i poslove sa Zavodom zdravstvenog osiguranja u Službi za opšte, pravne i kadrovske poslove1 izvršilac
3. Čistačica 2 izvršioca

II. Opći uslovi koje kandidati moraju ispunjavati:

- da su državljani Bosne i Hercegovine
- da su stariji od 18 godina
- da su fizički i psihički sposobni za vršenje poslova navedenog radnog mjesta – izabrani kandidati su dužni prije zasnivanja radnog odnosa dostaviti ljekarsko uvjerenje o zdravstvenoj sposobnosti, koje nije starije od jednog (1) mjeseca

III. Posebni uslovi:

1. Diplomirani sanitarni inženjer/Bachelor zdravstva – smjer sanitarno inženjerstvo u Službi za higijensko-epidemiološku zdravstvenu zaštitu (1 izvršilac)

- VSS/Fakultet zdravstvenih studija (180 ECTS bodova)
- Položen stručni ispit
- Licenca za samostalan rad
- Radno iskustvo u trajanju od najmanje 6 mjeseci

KRATAK OPIS POSLOVA:

Vrši timsko epidemiološko izviđanje, vrši zdravstveni nadzor nad licima iz okoline oboljelog (po kontaktu), vrši obaveznu dezinfekciju, dezinsekciju i deratizaciju, izrađuje analize, izvještaje i informacije o kretanju zaraznih bolesti (po oboljenju), uzima uzorke vode na bakteriološku i hemijsku analizu, uzima briseve, obavlja djelatnost preventivne dezinfekcije, dezinsekcije i deratizacije koja uključuje upotrebu otrova iz druge i treće skupine, obavlja i ostale poslove u skladu sa Pravilnikom o organizaciji i sistematizaciji radnih mjesta.

Mjesto obavljanja rada: ZU Dom zdravlja Velika Kladuša: Služba za higijensko-epidemiološku zdravstvenu zaštitu, radno vrijeme od 07:00 h do 13:30 h.

2. Referent za zdravstvenu statistiku i poslove sa Zavodom zdravstvenog osiguranja USK-a (1 izvršilac)

- VSS/ Završen fakultet društvenog smjera (240 ECTS bodova)
- Radno iskustvo u trajanju od najmanje 1 godine

KRATAK OPIS POSLOVA:

Izrađuje statističke izvještaje (vodi dnevnu, mjesečnu i kumulativnu evidenciju i izrađuje izvještaje o broju i vrsti usluga u skladu sa propisima o evidencijama u oblasti zdravstva), obavlja korespodenciju sa Zavodom za javno zdravstvo USK-a, odlaže i čuva statističku dokumentaciju, obavlja korespodenciju sa Zavodom zdravstvenog osiguranja USK-a, učestvuje u postupku registracije osiguranih lica u timove porodične medicine u suradnji sa glavnim medicinarom, obavlja i druge poslove u skladu sa Pravilnikom o organizaciji i sistematizaciji radnih mjesta.

Mjesto obavljanja rada: ZU Dom zdravlja Velika Kladuša: Služba za opšte, pravne i kadrovske poslove, radno vrijeme od 07:00 h do 15:00 h.

3. Čistačica (2 izvršioca)

- Osnovna škola
- Radno iskustvo u trajanju od najmanje 6 mjeseci

KRATAK OPIS POSLOVA:

Vrši čišćenje i dezinfekciju svih prostorija odgovarajućim sredstvima, uključujući čišćenje čekaonica, stepeništa, hodnika, pomoćnih prostorija, mokrih čvorova i prostora oko objekta, vrši pranje prozora, vodi brigu o pravilnoj potrošnji i uštedi potrošnog materijala, obavlja i druge poslove u skladu sa Pravilnikom o organizaciji i sistematizaciji radnih mjesta.

Mjesto obavljanja rada: ZU Dom zdravlja Velika Kladuša, radno vrijeme: od 07:00 h do 15:00 h.

IV. Kao dokaz o ispunjavanju uslova kandidati su dužni dostaviti slijedeću dokumentaciju:

Za poziciju pod rednim brojem 1.

1. Potpisanu prijavu sa kraćom biografijom, adresom i kontakt telefon
2. Izvod iz matične knjige rođenih (original ili ovjerena kopija)
3. Uvjerenje o državljanstvu (original ili ovjerena kopija)
4. Prijavu mjesta prebivališta (original)
5. Diploma o završenom fakultetu (ovjerena kopija)
6. Uvjerenje o položenom stručnom ispitu (ovjerena kopija)
7. Važeća licenca/odobrenje za samostalan rad izdana od nadležne komore sanitarni inženjera (ovjerena kopija)
8. Dokaz o radnom iskustvu u struci – potvrda ili uvjerenje ranijeg poslodavca (original ili ovjerena kopija), pod radnim iskustvom u struci podrazumjeva se i obavljeni pripravnički staž u struci

Za poziciju pod rednim brojem 2.

1. Potpisanu prijavu sa kraćom biografijom, adresom i kontakt telefon
2. Izvod iz matične knjige rođenih (original ili ovjerena kopija)
3. Uvjerenje o državljanstvu (original ili ovjerena kopija)
4. Prijavu mjesta prebivališta (original)
5. Diploma o završenom fakultetu društvenog smjera (ovjerena kopija)
6. Dokaz o radnom iskustvu u struci – potvrda ili uvjerenje ranijeg poslodavca (original ili ovjerena kopija), pod radnim iskustvom u struci podrazumjeva se i obavljeni pripravnički staž u struci.

Za poziciju pod rednim brojem 3.

1. Potpisanu prijavu sa kraćom biografijom, adresom i kontakt telefon
2. Izvod iz matične knjige rođenih (original ili ovjerena kopija)
3. Uvjerenje o državljanstvu (original ili ovjerena kopija)

4. Prijavu mjesta prebivališta (original)
5. Svjedočanstvo o završenom osnovnom obrazovanju (ovjerena kopija)
6. Dokaz o radnom iskustvu na poslovima čišćenja – potvrda ili uvjerenje ranijeg poslodavca (original ili ovjerena kopija)

Javni konkurs ostaje otvoren 7 dana od dana objave obavijesti u dnevnim novinama u skladu sa članom 7. Uredbe o postupku prijema u radni odnos. Dostavljeni dokumenti moraju biti u originalu ili ovjerenoj kopiji, ne starije od 6 mjeseci. Neblagovremene, nepotpune i nepotpisane prijave neće se uzeti u razmatranje. Probni rad nije predviđen. Polaganju pismenog i usmenog ispita pristupit će samo oni kandidati koji su podnijeli urednu, potpunu i blagovremenu prijavu.

Kandidati se mogu prijaviti na više radnih mjesta, ali za svako radno mjesto se mora podnijeti posebna prijava i navesti na koje radno mjesto se kandidat prijavljuje.

O datumu i vremenu održavanja pismenog ispita za pozicije 1 i 2 kandidati će biti obaviješteni telefonskim putem, a obavijest o datumu i vremenu održavanja pismenog ispita, objavit će se i na web stranici ZU Dom zdravlja Velika Kladuša. Ukoliko kandidati pristupe usmenom ispitu, o istom će biti obaviješteni usmenim putem odmah nakon polaganja i saopštavanja rezultata pismenog ispita (usmeni dio ispita provodi se samo u slučaju kada su dva ili više najuspješnijih kandidata ostvarili jednak broj bodova na pismenom dijelu ispita).

O datumu i vremenu održavanja usmenog ispita za poziciju 3 kandidati će biti obaviješteni telefonskim putem, a obavijest o datumu i vremenu održavanja usmenog ispita, objavit će se i na web stranici ZU Dom zdravlja Velika Kladuša.

Ukoliko kandidati ne pristupe pismenom ili usmenom ispitu, smatrat će se da su odustali od prijave na Javni oglas. U slučaju da nakon provođenja ispitnog dijela Javnog oglasa neki od kandidata budu imali jednak broj bodova, prednost pri zapošljavanju će imati kandidat koji ima prioritet u zapošljavanju. Prioritet u zapošljavanju kandidati dokazuju odgovarajućim dokumentom (potvrda, uvjerenje i sl.) koje prilažu prilikom prijave na Javni oglas.

Prijave na Javni oglas sa potrebnom dokumentacijom u zatvorenoj koverti se dostavljaju poštom ili lično na adresu:

ZU DOM ZDRAVLJA VELIKA KLADUŠA, ul. Sulejmana Topića br.1., 77230 Velika Kladuša, Komisiji za provođenje procedure prijema u radni odnos, sa naznakom: „ NE OTVARAJ – PRIJAVA NA JAVNI OGLAS“.

Svi traženi dokumenti kojim se dokazuje ispunjavanje općih i posebnih uslova Javnog oglasa neće se vraćati kandidatima.

Kontakt osoba: Damir Redžić, dipl. pravnik tel. 037 316 199

Izbor iz reda prijavljenih kandidata koji ispunjavaju uslove oglasa izvršit će se u skladu sa Zakonom o radu Federacije BiH („Službene novine Federacije BiH“ broj: 26/16 i 89/18), Uredbom o postupku prijema u radni odnos („Službeni glasnik Unsko-sanskog kantona“ broj: 7/19 i 11/19) i Pravilnikom o radu ZU Dom zdravlja Velika Kladuša broj 1354-1/2019 od 28.06. 2019. godine.

Obavijest o raspisanom Javnom oglasu će se objaviti u dnevnim novinama „Oslobođenje“ dana 17.01.2022.godine, a puni tekst Javnog oglasa će istog dana biti objavljen na internet stranici ZU Dom zdravlja Velika Kladuša www.domzdravljavk.ba i internet stranici Javne ustanove „Služba za zapošljavanje Unsko-sanskog kantona“ Bihać.

Broj: 75 /22

Dana: 13.01.2022.godine.

